

沈子初先生遺書

乙編

拾貳

卷之四 詩集 七言 五言 四言 三言 二言 一言

枕碧樓偶存稿卷八

詩二

蠟梅 壬戌

水邊籬落月微黃一樣霜中著意香
銅鉢笑催坡老句羽衣巧作素兒妝
戶排蠶瘦分脾晚杯泛鵝新到口忙
古淡不邀時俗賞膽瓶閒對讀書堂

客夢

迢迢羈旅身鬱鬱還鄉思莫道隔江湖
夢中時一至

寓懷四首

湘水東流去杳然采蘭江上幾洞沿
萋華忍作無家詠蓬梗眞同不繫船
窗下常臨求米帖杖頭誰貨買書錢
季鷹未遂蓴鱸志三楚句留別有緣

結廬陶令心偏遠隱市梅生迹許同
草與階平希過客花無帶掃住奚童
學荒卻恨蟬編少性拙何嫌獺祭工
麝炷

一鑪書一卷不知門外馬嘶風

井間到處化爲墟
袞袞紅塵不可居
促膝漫談天下事
放懷且讀古人書
匪惟寶劍眞知我
室有寒氊永伴予
莫道故鄉風景好
湖山回首倍淒如

不愁知己天涯少
鶯許爲鄰月作朋
一枕雲山尋舊夢
半窗風雨惜殘鐙
詩書而外客無好
鞠踞相將余未能
高詠太冲招隱句
漫持螯李笑於陵

題趙泉生

景應

劍馬障子

君今安用毛錐子
窗間老守經與史
君亦不用鐵兜鍪
行間齟齬戈與矛
雄姿獨出具神調
家學淵源本忠孝
胸中骯髒清尊澆
抱膝吾廬且歌嘯
決雲黯黯精氣馳
肉驥礪礪籠青絲
玉龍三尺雪光淬
天骨卓立殊權奇
按鐔攬轡讓儒雅
櫬槍一掃清天下
據鞍顧盼烏足雄
拔刀斫地胡

爲者倚柱高歌代公篇起舞先著士雅鞭誰家畫手特精
妙英風颯颯縑素間慨自採九柳江起血吮長蛇突封豕
壤雲飛來浙西東十郡官民向風靡蒼蒼苕弁煙塵昏介
兄忠勇彌乾坤英雄殺賊本素志此身誓與城亡存兩載
環攻不能下古來豈讓銅梁門想君昔在重圍合親見指
揮萬眾集雲旂翠蕤耀火荼風度安和氣肅颯面承指示
方略奇敢笑書生小敵怯雄劍暗動馬矜嘶乘風破浪眞
男兒卽今披圖細把玩如在危城飛檄時愧我生平少智
慮銳志銷磨向誰語彈鋏憔悴風塵間騎驢懶向京華去
展君此圖意縱橫張目爲君進一觥范葵競爽君記取淩
煙名字照千古

題某女史蛺蝶卷子

生來香國曉雲繁試舞東風廿四番偶謫人間成小夢長

留花裏寄歸魂詩傳謝子新詞寫圖補滕王舊樣翻一笑
霜紉思撲取宛然春意滿南園

片片飛花灑綠蕪成團逐隊趁如駒六朝才子誰能賦三
月春光盡入圖握筆漫教誇薛媛傳神端合想麻姑此中
渾是江南路活色生香態不殊

閨中秋夜陰雨

老桂餘香繞畫闌連宵風雨二分寒天公愛惜團圓相未
許人間兩度看

歌管誰家喜復招楚天涼夜思迢迢如將一曲嬌娥怨譜
入箏絃第九條

穆王笛向何人借欲泛靈槎路阻長料得重雲最深處羣
仙依舊譜霓裳

秋雨

擁衾不成夢涼思動今宵之子處幽迴秋風增寂寥孤鐙
熒悄悄落木和蕭蕭莫向空山聽羈魂聲裏銷

客有自賊中歸而就婚者卻寄三十韻

代趙六

身世逢艱厄滄桑屢變遷不堪揮塵客亦遇枕戈年消息
悲新鬼風流隸散仙羣牟輝棣萼盧李託因緣記枉胥山
駕來浮雪水船花飛人面雨草擁馬蹏煙北里歌方好西
冷景更妍豈圖春旆駐恰值夕烽連太息瓶都罄淒涼瓦
不全勢真同蠅縛計且學龍跼間道飛能渡危城卻復前
又嗟籠玉兔未易脫金蟬落魄誰贈窮途履盡穿吹簫
聊爾耳出網豈徒然黃浦風剛暖吳淞月正圓天倫欣翕
聚此日慶生還纔穩征鴻夢將彈引鳳弦雀屏圖早射鵲
石夕薪填書到愁悰訴緘開別恨牽讀君詞咤咤感我思
綿綿鼙鼓三江急塵氛兩浙延鄉關歸瓦礫骨肉泣刀鋌

桑梓情徒切萍蓬迹自憐幾時珠得返相與襪重聯此去
藍橋路應開翠帳筵秦臺簫細奏葛幕鏡高懸隄柳何須
折毗蘭那足牽旣齊梁氏案仍著祖生鞭徙海終酬志懷
湘儻賦遄攜尊訴離緒定可慰心痛

題彭生舉杯邀明月圖

銀河淡無色纖雲淨八極中天白玉盤小時不曾識酒星
一夜謫人間力士鐙映琥珀殷蟻觀一世不足侶且邀明
月來雲關清光四面集與我相拱揖几席孰主賓永夕伴
花立興酣意氣凌九州此生誰與營糟邱祇應築向廣寒
府與月終天相唱酬仙才逸氣冠今古我今聞之爲起舞
君不見天津橋南之酒樓猶興清虛宮闕同千古彭生侗
儻真不羣飄飄舉袂齊青雲上界誰操玉斧修花間忍使
酒船焚謫仙人已騎鯨去明月仍照徘徊處搔首還結無

情遊揮杯勸影自容與壯心寄一壺妙手寫成圖卽此尺
幅中奇氣猶盤紆安得乘風到碧海琉璃萬頃雲五采揮
手把天瓢瑤池宴尙在玉樹之華長丰茸結璘仙子紛相
從紫雲曲奏方諸宮何事寂寞坐此林下席年年飛輦醺
金風

殘花 癸亥

樹上空留楚楚青客來猶自立閒庭惜春心事憑誰訴收
拾殘枝聚一瓶

飛茵墮溷多前定莫向東風喚奈何差喜近依春水曲飄
零還得逐清波

四月二十六日自湘首塗入黔泊喬口鎮

在長沙縣西北六十

里水程九十里喬口河
自益陽來經此達湘

賈生舊恨長沙遠我別長沙更遠征斜日依依高口戍長

流渺渺益陽城笑看山色如眉嫵涼挹波光似掌平三尺
短橈西渚去渡頭風定暮煙輕

二十七日紀行

南風晨挂帆行百四十里瞬息過沅江午景未移晷舟轉
南入湖風逆艱尺咫記里甫及十義馭迫濛汜水程間早
晚疾遲判若是盈虛如轉環此理悟相倚

藍溪夜行

一統志藍溪在沅陵縣南七里今水程二十里

萬壑不鳴籟舟行鏡裏天煙雲連底活星月倒垂圓苦別
又聞笛長歌時扣舷青山容嘯傲應傍老漁眠

度黔江

此江之船頭右高於左尾左高於右頗似螺形

舟形肖卷螺下灘疾於矢白浪高如山瀕洞打船尾

紀行四首

迂道黔蜀疆道迂復疑阻川嶺多紛歧羽書正旁午賊巢

何纍纍前途戒商旅徒行炎赫中揮箠汗成雨紆回避賊
走取道點江渚篋輿載輕舟役夫共囊褚龔灘險而長一
志龔灘在思南府城北一百五十里一名琦塔灘亂石橫
江濤險十餘里龔灘鎮在酉陽州西一百八十里蓋黔蜀
接壤處奇石森伍伍衝煙疾擢下鼓浪一炊黍江山拓胸懷
不道行路苦停橈問前程甘霖喜滌暑

一葉乘流輕濤奔若飛練午辭龔灘鎮暮宿彭水縣烏江
自南來天工逞怪變石蛇鹿角連木棱土腦間名灘處處
惡耳駭目尤眩形狀異黔楚其險竝希見舟依古城下魂
定夢乃善明朝解纜去前路多瀟沔

我來江口鎮屬彭水縣遙指真安州江路到此穩黔江過江口
鎮皆安流矣
遵陸偏舍舟人家住山頂高寒堪衣裘行行入林箐衣上
雲氣浮盤互千百轉危磴迂而幽聞道今年春家室傷虔
劉戔戔龍將軍連營擁貔貅軍出三江涘直到東門頭畏

賊乃如虎遇民儼尋讎所過肆焚掠井邑爲荒邱駐輿長
太息恤緯良增憂關城暮夜宿鼓聲聽援枹

解裝綬陽縣去賊纔數里逆旅無可容稅駕縣衙裏前行
到播州賊去蹤仍邇兼程趨賊前晨征暮方止荒村住茅
店治食尙未已譌言賊兵來滿村驚遠徙主人囊橐行客
子難臥起徒步出門去怪雨濡衣履徑仄石犖确巖險坡
譎詭滑澁屢顛躓頂踵如沃水三更雨意息山場憩行李
詰旦烏江濱且容拂塵滓

送朱益甫 希鳳入楚

蕭灑湖山主迢迢萬里游賀囊工嘯詠蓄榻喜何留小聚
情非淺真誠世寡儔嚴城刁斗急張觸故鄉愁
征旆何恩促周旋未判年豈同萍水合苦見埃烽連秋雨
增離緒春風結後緣約君湘渚去同泛北游船

對菊感舊

先師閔連莊先生有花癖尤愛菊秋時必購百餘
種供書室中函丈之前當獲領略清趣今遠游竹
國向野人家移植數十本疊作小山嘉賓宴集髣
髴如昨而先師謝世已兩載矣瘦影相對不禁愴
然

瘴雨蠻煙裏籬東也有花卻因芳訊早難忘昔游賒種好
還能記香稀未足誇

都下菊之香者有蘭陵酒米金管二種今並無

飛觴頻脫帽

非復縮雙丫

疊得峰三面依稀侍坐時久深梁木痛忍賦落英辭遺草
鞠人詒師嘗集書經作鞠詒一篇悽懷花太醫師蒔花妙
道嘗作養花記人比之花太醫宣南尋舊夢猶自傍緇帷

貴陽有感十首

羣山拱護竹王祠斗大孤城鎮遠陲千里邱墟多鬼哭九年戈甲等兒嬉苗民逆命精誠格大吏承恩廟算施豈少安邊書入告九重猶繫聖人思

鳳銜丹詔下鸞臺開府西南仗異才側目共看韓掾去建牙爭識魏公來不教股削帥桑孔自有聲名邁汲崔前席先籌甄將佐輕裘緩帶陣雲開

玉華峰下筍輿經清水江頭戰血腥借寇民都思愛日平蠻天未斂妖星危城保障鬚全自古戍蕭條草自青休說乖西山色好尙聞羣盜集畬丁

且蘭舊治峙東方六載兵民百戰強不道降奴逞狙詐遂教小醜肆鴟張斷頭共哭將軍死塗腦誰憐士卒傷健令縱能嚴阨宇下游餘燼已披昌

潛師直擣息鳴刁萬士銜枚走六宵入穴但知擒虎急焚

巢爭道阿龍超渠魁未縛機難得孤壘無援恨不消卷旆
歸來偏整暇三軍勇氣薄雲霄

將軍東下仗旌麾倍道西援戴月馳范老威聲寒賊膽羊
公夙望慰人思百宜寨裏連營壯頂照山前畫角悲戰敗
餘氛渡江去負嵎猶敢抗王師

甕城橋畔會雄兵蠹爾么麼尙敢撻飛旆摩雲齊變色征
袍濺血不聞聲中宵已報投戈遁列陣何妨緩轡行戰馬
騰驤騎士飽便當赤手縛長鯨

手持龍節下南天聖主深恩起左遷風月清談宗庾亮爪
牙威勢蓄嚴年治兵勝算歸操縱柔遠嘉謨費幹旋共道
公廉能體國卻教別皮使君錢

背鬼子弟出衡湘婦女隨軍氣不揚諸將非無稀突勇干
營曾比虎賁強捷書空說降黃佐會長何人縛鬼章豈是

晉師甘退舍連宵棄甲太倉皇

局分黑白算通盤籌餉徵兵術已殫書檄休騰三捷喜瘡
痍須念萬家殘有鄰早慮求金紉臨渴方知掘井難斬斷
情絲須慧劍莫將私暱監登壇

感賦三首

連天烽火逼城隈鞀鼓聲酸畫角哀小醜跳梁偏有技元
戎飛檄豈無才登陴五夜城烏寂蜚語三人市虎猜淮雨
別風難逆料趨庭且覆掌中杯

苔岑結契太差池寵負前魚妄詆棋婦巧難供無米爨官
貧翻致愛錢疑嬰城方效張巡節賭墅還臨謝傅棋笑讀
中山狼一傳腹藏鱗甲本難知

塵昏星斗黯無光昨夜珠躔遇角張何術竟興三里霧有
花獨傲九秋霜顏公乞米新傳帖趙子無錢笑擲囊林鳥

漫呼行不得青衣江畔理歸航

十二月二十七日立春上元甲子第一日也率成一

律

喜作宜春帖龍躔甲子推人心盡思治天意定潛移劫換

紅羊火祥徵青鼠詞

識詩云平安青鼠火重興

萬方齊額手快睹太平

時

清鎮縣哀何孝廉

甲子

甘爲鄉閭死鴻毛命太輕才遺曾有幾吞啖觸饑鯨

鎮西衛

午無炊所暮無廬茅店荒村劫火餘落落誰爲東道主一

椽聊假葛仙居

時寓藥肆

大定雪行

蒼莽萬山圍長途滯客駢寒雲隨雪卷凍雨雜冰飛徑斷